

مطبعه و محل اداره :

جغياں اوغلنده امنيت
صندوغى جوارنده
شنگول يقوشنده
۲۵ نومرو

مشتاق

۱۳۲۶

اظہار :

مسلكمزموافق آثار
جدیدہ مع الممنونہ
قبول اولنور

درج ایدلہین آثار اعادہ اولنماز

دیر ، فلسفہ ، علوم ، حقوق ، ادبیات ، تاریخ ، و سیاسیات و بہ الخاصہ احوال و شئون اسلام و دین و بحث ابد و ہفتہ در ہر نشر اولنور .

آبونہ بدلی

صاحب و مؤسسری :

در سعادتدہ نسخہ سی ۵۰ پارہ در

ابوالعلا زین العابدین - ح . اشرف ادیب
تاریخ تاسیسی

قیرلہ دن مقوا بورو ایلہ کوندریلیرسہ سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلانی	غروش
ممالک عثمانیہ ایچون	۶۵	۳۵
روسیہ	۶۵	۳۰
سائر ممالک اجنبیہ	۱۷	۹

آلتیجی جلد

۲۰ ربیع الاخر پنجشنبہ ۷ نیشان ۳۲۶

عدد : ۱۳۷

ایشته انسان اگر کنسیدی حقیقتی لایقوله تأمل ایدرده روحنی او آرادی نی نورک آغوشنه آتہ حق اولورسه اوزمان قلبنه اطمنشان، خاطرینه حضور، فکرینه سکون کلیر؛ ولو کنسیدی سفالتک انک سافل درکاتنده یووارلانسین، یاخود حیات، انک مدھش تملک لک هدف هجومی اولسون.

بک اعلا! بوشوریده روحه اشتیاقیله بی قرار اولدیغی اونوری، او صفای ایمانی ویرمک ایچون نه یامیلدر؟ بو مقصده هانکی یولدن کیتیلدر؟ اوت بونک ایچون سلوک ایدیلرک سبیل طریق عقلدن باشقه برشی دکدر: «الدين هو العقل ولادين لمن لاعقل له - دين عقلك تا کنسیدیر؛ عقلی اولمیانک دینی ده یوقدر. حدیث»

ماوضع لهنده قوللانیلمق، سحتنه، اعتدالنه ایجه باقیلمق شرطیله عقل جناب حق طرفندن انسانره ویرلمش اولان خصائصک، مواهبک انک بیوکی، انک شرفلیدیر. شو خلقت بی پایانک عظمتی انسان انجق عقل ایله تصور ایدیلیر؛ کائناته حاکم اولان قوانین ازلیه نیک سیرینی آنجق عقل ایله تدقیق ایدرک افعالی بحدن، مصنوعاتی حکمتسزلکدن منزله بر خلقت وجودینی انجق عقل ایله بوله بیلیر، نصلکه اوخالقک علمنی، تدبیرینی، حکمتی، رأفت ورحمتی هجوم رییدن مصون بر تمین ایله استدلالده انجق عقل سایه سنده موفق اوله بیلیر.

انسان جمعیات بشریه نیک احوالی انجق عقل ایله تدقیق ایدر، او جمعیتلرک ترقیسنی احضار، سقوطنی ایجاب ایدن قوانین فطرتی انجق اوسایه ده کورر؛ جناب حقک انسانره مرشد اولمق اوزره کوندردیکی نیلرک احوالی عقل ایله محاکمه، شریعتلرینی عقل ایله تأمل ایدرک نبوتک نه دیمک اولدیغنی، بونک بشر ایچون ضروری بولندیغنی آکلار، خالق حکیمک اختلاف ملل واقوامده کی، تباین مشاعر و حسیاتده کی حکمتی یالکیز عقل ایله ادراک ایده بیلیر.

انسان ماضی ایله حالک فرقنی انجق عقل سایه سنده تمیز ایدرده دیانات خاصه ایله شرائع عامه بی بربرندن آیریر، صوکره بوتون ادیانک خاتمه سی اولمق، بشریت طورده قجه باقی قالمق ایجاب ایدن بر دین مینه علومک، فنونک ظهور اولدیغنی انجق ارشاد عقل ایله کوره بیلیر.

محمد عاکف

تراجم احوال:

شارح فصوص عبدالله بوسنه وی [۱]

بین اعظم حاجی بایرام ولی اجاه خلفاسندن اولوب (کونیوک - طوربالی) ده مدفون اولان (بروسه وی دهده عمر سکینی) معرفتیه تشعب ایدن (ملامیه بایرامیه) شعبه سی مشایخندن جامع الکمالات بر ذات عرفاتسات اولوب مقدمات علومی مسقط رأس (۱) طریقت قادریه رجالندن اولدقلری دیوانلرندن صراحة کلاسیلان و (حسن خیر الکلام) ترکیبک دلالتی اولان (۱۰۹۱) تاریخنده (ایزوورنیک) ده وفات ایدن (حسن قائمی بوسنه وی) بوسنه قطعه سنده یتیشن عرفای مشایخندیر. (ذیل شقایق) صاحبی (شیخی) نیک نقلنه کوره طریقت خلوتیه ده انتسابی اولوب مرشدلری (اوزیجه) لی (شیخ مصلح الدین افندی) ایمش.

اولان بوسنه ده، علوم آلیه و عالییه درسعادته بعدالاکمال ارزوی طریقت داعیه سیله بروسه یه عزیمتله مشاهیر رجال بایرامیه دن یکی بر قبرستانده مدفون شیخ حسن قبادوز بروسه وی یه انتساب ایله یوب سنه لرحه دوام ایدن مساعی و مجاهده خدا پسندان سنک مکافات مغنویه سی اولمق اوزره تکمیل مراتب حقیقتیه من جهة الطریقه نائل رتبه خلافت اولدیلر. بوندن صوکره ده یه استکمال فیض الهی مقصدیکانه سیله مصره و (۱۰۴۶) تاریخنده حجازه عزیمتله ایفای فریضه حج شریفه و زیارت جناب سیدالانیا صلی الله علیه وسلمه موفق اوله رق شام شریفه رحلتله قدوة المحققین شیخ اکبر محی الدین عربی حضرتلرینک تربیه شریفه لری جوارنده انزوا ایدرک روحانیت مشار الیه وساطت علیه سیله استفاضه علوم محمدی یه مظهر اولدیلر. بعده اشارت مغنویه ایله قونییه یه عزیمتله شیخ کبیر صدرالدین قونوی ایله مولانا جلال الدین رومی حضراتی کی مدار فخر اسلام اولان ذوات عالیه نیک مراقب شریفه لری زیارتله اختیار اقامت و بر مدت صوکره (ارجی ...) فرمان الهیسنه لیک زن اجابت اوله رق (۱۰۵۴) تاریخنده ارتحال دار اخرت ایله یوب وصیتلری اوزره جوار حضرت صدرالدینده ودیعه خاک مغفرت قلندیلر. قدس الله سره العزیز. (هذا قبر غریب الله فی ارضه وسماء عباده البوسنوی الرومی البایرامی) عباره سنک سنک منارلرینه یازماسی نجله وصایای عارفانه لرندن اولدیغنی (مستقیم زاده) مرحومک (احوال ملامیه بایرامیه) اسمنده کی اثرنده مذکوردر. عربستانده کی سیاحتلری اثناسنده ملاقی اولدقلری عرفا و فضلائک کافه سی علو کعبلرینی تصدیق ایله دکلری کی تحریر بیوردقلری آثار متنوعه محققانه لری ده الی یومنا هذا تصدیق کرده ارباب علم و عرفاندر. کندیلرندن اخذ علوم و معارف ایدن فضلی عرفانک باشلیجه لری شونلردر:

شیخ غرس الدین خلیل، شیخ محمد میرزا السروجی الدمشقی الصوفی، شیخ محمد مکی المبدنی، شیخ سید محمد بن ابی بکر العقود مؤلفات علیه لری:

- ۱ شرح فصوص الحکم المسمی تجلیات عرائس النصوص فی منصات حکم الفصوص (آثار علیه لرینک انک مشهوری اولوب مطبوعدر.)
- ۲ مواقف الفقرا.
- ۳ الوصول الی الحضرة الا لهیته لایمکن الا بحصول العبودیة.
- ۴ حقیقة الیقین.
- ۵ مطالع النور السنی عن طهارة النبی العربی
- ۶ تفسیر آیه فاخلع نعلیک علی بطون السبعة
- ۷ رساله حضرات الغیب
- ۸ تجلی النور المبین فی مرآة ایاک نعبد و ایاک نستعین.
- ۹ شرح علی نظم مراتب الوجود للشیخ غرس الدین
- ۱۰ شرح علی القصیده الثانیة لابن الفارض

(۵) شیخ اکبرک مشهورافاق اولان (فتوحات مکیه) لرینک مقدمه سیدره

- ۱۱ رساله فی تفسیر ن والقاسم
 ۱۲ رساله اعیان ثابته .
 ۱۳ رساله فی شرح الحمد لله الذی اوجد الاشیاء عن عدم وعدمه (۵)
 ۱۴ ترجمه ترشحات
 ۱۵ کلشن راز عارفان فی بیان اصول راه عرفان (منظومدر)
 ۱۶ رساله فی تفضیل البشر علی الملک
 ۱۷ شرح کلام مؤید الجندی فی اوائل شرح الفصوص
 ۱۸ جلاء العیون فی شرح قصیده الشیخ عبدالجید سیواس
 ۱۹ الید الاجوله فی استلام الحجر الاسود
 ۲۰ شرح رب یسر ولا تعسر رب تم بالحیر
 ۲۱ البرهان الجلی فی حرف السوء عن وجه الآیه فی حال یوسف (ع . م)
 ۲۲ رساله فی تمثیل جبریل فی صورة البشر .
 ۲۳ رساله اخری فی تمثیل الجبریل (تورکی)
 ۲۴ تفسیر سورة والعادیات
 ۲۵ رساله فی نشأة الانسانیة (شرح باب السادس من الفتوحات المکیة)
 ۲۶ تفسیر سورة عصر
 ۲۷ تفسیر حتی اذا بلغ مغرب الشمس
 ۲۸ مناجات

بروسه مبعوثی

محمد طاهر

مسلمانان نصل مکتبلره محتاجدر ؟

برملتک اعتلا وارتناسنه خادم عوامل مختلفه نك الك بیوکی شبهه - سزدرکه جدی و حقیقی بر تربیه اخلاقیه ایله مترافق اولان تحصیل علم و معرفتدر . تاریخ عالمده ابقای نام ایدن اقوام متعدده نك تعالیسی اخلاق حسنه ایله مؤید اجتهادات علمییه سایه سنده وقوعه کلدیکی کبی فساد اخلاق و اکتساب عرفانندن تباعد کبی سیئات ده اقوامک محو و انقراضنه سبب اوله کلمشدر . طاشیدی فی برچوق مثاللرایله تاریخ هر زمان بو دعوائی ایراد ایدیور . اهل اسلام بر شرمده قلیله ایکن اوامر قدسیه قرآنیه نك مقتضیاتق اولان محاسن اخلاق ایله عمل ایلدکلرندن آرزمانده تراید وانتشاره باش-لادیلر . اطراف عالمه خطوه انداز اوله رق عظمت وسطوتلرینه کافه موانعی رام ایتدیلر . احرازایتد - کلری او اعتلای مهیب ، او ارتقای بی نظیرک اس-بابی ندر ؟ ... هپ اوسلف صالحک هدایت سبحانییه کنیدیلرینه مرشد اتخاذایمه - لرندن ، جدی و حقیقی بر تربیه فاضله ایله متخلق اوله لرندن ، بوکونکی کونده ده آوروپا مدنیتک واصل اوله مدینی حسن امتزاج و وفاق ایله آرالرنده بر آهنگ اخوت تشکیل ایتهلرندن منبعت دکلیدر؟ و مسلمان-

نلرک بوکونکی حال پر ملالی هپ « بعثت لاتم مکارم الاخلاق » ایله « اطلبوا العلم ولو فی الصين » دین شارع اعظمک وصایای کریمانه لرینی تحظر ایتهلرندن ناشی دکلیدر ؟

بوکون تمامیه ثابت اولمش بر حقیقتدرکه مسلمانلرک هربری بر متفکری آغلانان ، هر صاحب حیثی داغدار یأس و کدر ایدن شو عطات و توقفلرینک اک بیوک سبی « جهالت » دینلن مرض کبیرک تأثیرات مخربانه سی در . هپ بوجهالتک تأثیرات الیه-سی درکه بوکونکی کونده مسلمانلر کنیدیلرینی بر رابطه قویه اخوتده یولمنه دعوت ایدن ارامر دینیه لرینی اونوده رق کوردیکمز شو حال تفرق و انقسامه دوشدیلر هپ بوجهالتک سیئه-سی دکلیدرکه هرزده اولورلرسه اولسونلر مسلمانلرده درین بر عطات ، مدید بر سکونت ولاقیدی

اولنیور . . . هرزده کیدلسه مسلمانلر اقوام سجاورده دن علما ، اجتماعاً ، مدنیتاً ده دون برسویه ده کور . آوروپا ارباب مدنیتی عالم اسلامی هر طرفدن تضییقه ، عجزه اوغراشدکلری حالده مسلمانلرده برانتباه ، برعبرت ، بریقظ کورلیور . سفالت ، مسکنت ، عطات بتون شدتیه حکم سورلیور .

ارتق شو خسته لقندن ، شو مرض مهلکدن قورتولمنه باقلی . و مسلمانلر کافه بتون موجودیتلریله بودردک دواسی اولان تحصیل علم و معرفته درت ال ایله صاریلملی و بوقضیه مهمه اک بیوک بر مشغله اجتماعیه ، اک مبرم احتیاجات مایه دن عد اولملی در . . .

آرتق آکلاشملی که بر مکتب آحق ، عدوجهل ایله محاربه ایتک جهاد اکبردر . امت مرحومه یه برمنور دماغ یتشدیرمک اک بیوک ثواب اخروی یی موجبدر . « طلب العلم فریضة علی کل مسلم و مسلمة » حدیث شریفی مقتضاسنجه تحصیل علم ایتک ، ویا بو خصوصده ابراز معاونت وفداکاری ده بولنق خشنودیت الهیدی داعی در . ایشته بز- اسلاف کرامتک یابدینی کبی - بوفریضة دینییه ایفا ایتیه جک ، عالم اسلامک هر طرفنده واسع و مکمل مکتبلر کثرتله کورنیمه جک ، اک هجرا طرفله قدر اشعه علم و معرفت تقوذ ایتیه جک اولورسه دینمک اوامرینی اجرا ایتدیکمز دن طولای آخرتده مشغول اوله جفمز کبی دنیاده ده شو حال پر ملالده قاله جق و بوکون اطرافزده بزى شدتله صارصان مجادله حیات بین المللده برخطوة ترقی آتیه جفمز ...

لکن ، مکتبلرک ، مؤسسات علمییه نك کثرت واحتشامی مقصده کفایت ایتیه جکی طبیعی در . تدریس اولنان علوم و فنون جدی رومنتظم کورلمزسه وام مؤسسه لرده بولنه جق اولاد مسلمین حقیقی وجداً صمیمی بر تربیه اسلامیة اجتماعیه و اخلاقیه ایله پرورشیا اولمز لرسه بر منفعت حقیقیه الهه ایدیلایمیه جکی شبهه سزدر . اورادن نشئت ایدنلر- کله نك بتون مناسیله - عالم و فاضل اولملی که ثمرات مطلوبه اقتطاف اولسون ... و بونلرک اثر ارشادندن عالم اسلام مستفید اوله رق طریق ترقیه داخل اولسون ... یوقسه الیوم اکثر مکاتب موجوده کبی وظیفه لرینی هم ف فنون مختلفه نك یالکیز قشوراتیه کنج دماغلری یورمقدن عبارت بیلن وزیر عاطفتلرینه مودوع اولاد وطنی خدای